



مه چی کده مومتد ده صورتیکه ده انتظار وزیرموباشی تا بلدی درخواست پناهندگی اجازه بیه ؟

آیا شمو بیک پناهنده استین که توسط کشتی آمدین و تا حالی بلدی پناهندگی درخواست نددین؟
اگه جواب شمو اری استه، 6 چیز استه که شمو مومتین انجام ببینن ده حالیکه منتظر اجازه وزیر موباشین تا درخواست ره ببیدد -

1 از نو کدوں تفصیلات آخري تماس ، خودونشو ره مطمئن سازین (آدرس و شماره تیلیفون)

- * ده ای شماره زنگ 1300 728 662 بزین
- * یا فورمه 929 ره پور کنین، که ده ای ویب سایت: <http://www.immi.gov.au/allforms/pdf/929.pdf> استه
- یادداشت: وزارت از رسیدون فورمه تأیید نمو کنه

2 بخش کاپی فایل/ دوسیه خود درخواست آزادی مالومات ره ارائه کنین

- * فورمه 424A ره پور کنین، که ده: <http://www.immi.gov.au/allforms/pdf/424a.pdf> فراهم استه
- ای موفت استه
- شمو باید ثبوت شناسایی ره دشته باشین که ضمیمه فورمه شونه (موتنه کارت ایمیگریشن شمو باشه)
- بخش کاپی نموم فایل یا دوسیه ایمیگریشن خودونشو ره تقاضا کنین که شامل:
 - یاد داشتای داخلی و مراسلات / نامه و جواب
 - ثبتا یا ریکارد آواز و یاد داشتای تحریری مصاحبه ها
 - هر نوع ثبت فیصله ها ده باره سکرینینگ / مشاهده داخل و بیرو شدون
- شمو مومتین فورمه ره ده پست یا ایمیل (foi.vic@immi.gov.au) رو کنین
- رسیدون سندای شمو معمولاً کم از کم یک ماه ره ده بر موگیره

3 شمو خاکه یک درخواست فورمه ویزای حمایتی ره آماده بسازین

- * خاکه درخواست فورمه ویزای حمایتی شماره 866 ره که ده: <http://www.immi.gov.au/allforms/pdf/866.pdf> فراهم استه تیار کنین
- قابل اهمیت استه که ده هر سوال جواب ببیدد. اگه شمو جواب ره پی نموقتین، نوشته کنین که 'مه پی نموقتم'
- ای اهمیت دره که بخش هر مالومات حدس نزنین
- مو توصیه مونی تا مشوره مهاجرت ره پیش ای که فورمه ره ارائه یا جما کنین ده دست بیرین.

4 یک خاکه ' بیان نامه ادعا ها' ره آماده کنین

- * ' بیان نامه ادعا ها' یک نقل نوشته شده قصه شمو و دلایل که بخش چی وطن رفته نموتنی، مو باشه
- * RACS یک ورق مالوماتی فایده من دره که ایجه: <http://www.racs.org.au/factsheets/> فراهم استه
- * مو توصیه مونی تا مشوره مهاجرت ره پیش ای که بیان نامه ادعا ها ره ارائه یا جما کنین ده دست بیرین.

5 هر سندای که قصه شمو ره حمایت شونه جمع کنین

- * هر سندای که قصه شمو ره حمایت شونه ده جائیکه ممکن استه بشمول، سندای شناسایی جمع کنین
- * ای موتنه شامل:
 - نامه ها
 - عکسا
 - کارتای شناسایی عضویت
 - گزارشات صحی/طبی یا کونسیلنگ / مشوره
 - نوشته ای خبری ده باره رخدادا که مربوط قصه شمو موباشه
 - * اگه ای سندا ده زبون انگلیسی نیسته، وا لازم دره تا ترجمه شونه
- * دو دفتر ترجمانی استه: ویتس VITS <http://www.vits.com.au/> و دفتر ترجمانی شفاهی و قلمی آل گراجویتس / All Graduates <http://www.allgraduates.com.au>
- * مو توصیه مونی تا مشوره مهاجرت ره پیش ای که سندای حمایتی ره ارائه یا جما کنین ده دست بیرین.

6 بلدی کومک، یک وکیل ره سراغ و ده نظر دشته باشین

- * ده طور عموم دولت پول مساعدت قانونی/حقوقی (IAAAS) ره موته مگم موشه که فراهم نشونه
- * ده طور عموم دولت پول مساعدت قانونی/حقوقی شاید بخش کسای کم سین بدون همراه یا سرپرست ندره مو پردازه